

欽定古今圖書集成

方輿彙編職方典



欽定古今圖書集成方輿彙編職方典

第六百七十三卷目錄

蘇州府部彙考五

蘇州府封建考

蘇州府公署考

蘇州府部彙考五  
蘇州府封建考  
蘇州府部彙考五

職方典第六百七十三卷

蘇州府部彙考五

蘇州府封建考

府志

古先封國

勾吳 自泰伯至王僚二十三君皆都此或名

吳城至周武王訪其後得周章遂封焉

漢

吳王劉濞 高帝兄子十二年冬英布誅立沛

侯濞為吳王景帝時反誅

後漢

吳侯鄧泛 光武帝封

吳侯孫策 字伯符獻帝建安三年曹操表為

討逆將軍封吳侯因定丹陽宣城之地奄有江左

吳侯陸遜 獻帝建安二十四年封

三國

吳王曹彪 魏太祖子文帝黃初二年封

吳侯孫壹仕 魏封

吳侯張昭 吳大帝權黃龍元年封

會稽王亮 字子明大帝孫權少子立為太子

權薨即尊號三年九月孫琳黜亮為會稽王會

稽今蘇州府秦曰會稽

吳侯孫紹 策子大帝權稱尊號追諡策曰長

沙桓王封子紹為吳侯紹卒子奉嗣孫皓時訛

言謂奉當立誅死

吳侯英 孫登次子封吳侯吳主亮五鳳元年

謀誅大將軍孫峻事覺自殺國除

吳侯基 魯王霸長子廢帝亮五鳳中封

晉

吳王司馬晏 字平度武帝子太康十年封食

邑吳興丹陽并吳三郡永嘉末遇害

吳王司馬嶽 顯宗咸和元年封九年改封瑯

琊猶食吳郡後繼成帝即位是為康帝

吳縣侯庾冰 顯宗咸和中封

梁

吳王蕭岑 宣帝子封

吳郡王元善見 以蘭陵公封即東魏孝靜帝

陳

吳郡王陳藩 後主第十子貞明三年封

北魏

吳王余 太武帝子後改南安王

吳王可博真 太武帝子太平真君年間封

吳郡王長孫陵 北魏封

北周

吳國公尉遲綱 明帝武成元年追封諡武

唐

吳王杜伏威 高祖武德二年歸唐後封

吳國公尉遲恭 武德五年封

吳王李元軌 高祖子初封霍王武德六年徙封

吳王李元壽 武德七年封

吳國公馮盎 武德中封

吳王李恪 太宗子貞觀十年封恪子琨琬子祗竝嗣爵

吳王李榮 蔡王位下

吳王李宙 見柳宗元文未詳所出

吳國公李保 元宗孫

長洲縣男歸登 憲宗元和間封

吳國公李孝逸 宗室武后光宅元年封

吳郡國公陸辰 光化三年封食邑一千五百戶

吳國公李禴 吳王祗弟

吳王楊行密 昭宗天復二年封景福元年以

行密為河南節度使天復二年賜爵吳王天祐二年卒子渥嗣張顥徐溫弑渥立其弟隆演七年岐王承制加隆演嗣吳王

吳王錢鏐 天祐元年封

吳郡男陸長源 唐封

宋

吳國公武行德 太祖乾德元年封

吳國公侯童 乾德五年封

吳王趙元傑 太宗第五子淳化五年封

吳國公苗繼宗 仁宗貴妃父

吳榮王趙顥 英宗長子薨追封

吳王趙宗絳 太宗曾孫神宗熙寧中嗣封吳

國公進爵為王

吳榮穆王趙佖 神宗第九子薨追封

吳國公趙樞 徽宗第五子崇寧二年封

吳國公趙植 徽宗第十二子大觀中累封

吳王吳近 高宗憲聖慈烈皇后之父追封

吳國公趙璩 藝祖七世孫高宗朝命不果行

又封崇國

吳郡侯魏憲 高宗紹興中封

吳縣男陸元朗 高宗朝封

吳國公林希

吳國公范成大 孝宗淳熙十六年先封吳郡

開國侯進封

崑山縣子范之柔 寧宗嘉定八年封加食邑

八百戶

吳郡侯胡元質

吳郡侯王埜 理宗寶祐二年封

吳郡國公陸佃

長洲縣子黃由

吳縣男顧少連

吳縣男陸兼物

吳縣男張鎰

吳縣男張聿

吳縣男鄭作肅 以上俱宋封食邑二百戶

長洲縣男顏度



長洲縣男鄭起潛 食邑三百戶

長洲縣男王景齊 食邑三百戶

崑山縣男衛涇

崑山縣男鄭準

崑山縣男鄭竦

明

嘉定伯周奎 思宗烈皇后父崇禎元年封

蘇州府公署考

府志

本府 吳縣長洲縣附郭

蘇州府治 屬吳縣在織里橋東元初為江南

財賦提舉司後改都水庸田使司復為平江路

總管府吳元年就建府治明洪武二年知府何

質陳寧相繼成之初因元舊官吏居外宅治事

至是始就內居處正統間知府况鍾重構庫房

天順間知府林鶴改作後堂廳事東為推官廳

又東為照磨所西為經歷司又西為架閣庫後

為豐盈庫堂下夾以東西廊舍東為吏戶禮承  
發架閣房西為兵刑工糧房堂外周列佐貳之  
私第西稍下為四區以居幕屬又下一區居庫  
官廊後為周廬以居胥吏中門外東為土地神  
祠旁地為廐門之外東為旌善亭西為申明亭  
嘉靖間廊廡燬郡守王鴻漸改建逾年廳堂庫  
藏門廡災同知鍾鑑悉如制鼎新矣

同知署 在府署西

通判署 在府署東

經歷署 照磨署 知事署

檢校署 以上俱未詳所在

司獄司 在府西南織里橋南即元舊司獄司

基吳元年移置靈芝坊明洪武六年知府魏觀

復建今處

府羈候鋪 在大石頭巷明初未置凡羈輕犯

分發各圖警鋪嘉靖四年知府胡纘宗以馬禪

廢寺改置

吳縣治 在慈悲橋西秦漢時立治於子城東

北打急路橋東隋開皇十一年徙州城於橫山下縣亦隨之唐武德七年復還故處分州城東半地置長洲縣遂移縣治於州廨西北二里縣基舊在褚家巷本雍熙寺菜圃官與之互換宋因之元大德八年移附平江路總管府旁子城內至正末張士誠遷於永定寺後卽舊十六觀堂基明洪武元年移置今所設正佐官廨於公堂後吏舍於卷廊後二年知縣蔣玉又增廣中門天順五年知縣崔浩增置獄房成化十二年

知縣張鳳騫立旌善申明二亭鳳騫并取本縣旌表節婦勒石旌善亭內弘治八年知縣鄺璠於門外東西樹東興西成二坊左右榜廊各十二間又建廊舍以便鄉民之應役建治平攸往二橋移旌善申明於治南直街東西相向正德二年知縣劉恆建黃冊庫於後堂西嘉靖六年知縣蘇祐內外葺繕扁大堂曰公勤後堂曰正己直街南建坊曰通和大門外東西建坊曰修政曰勤民二十七年知縣宋儀望撤譙樓改作

大門設羈候所於縣之西南三十九年知縣曹  
自守增建延賓館改修政勤民二坊爲勤政撫  
字萬曆九年知縣傅光宅題正廳曰近民巡捕  
丞廨曰保民主簿水利廨曰惠民管糧廨曰裕  
民改縣前二坊東曰盛朝鉅卿西曰昭代名公  
萬曆三十五年知縣曾汝名重建大門移監儒  
學前首邦文獻坊於治平橋南崇禎十二年知  
縣牛若麟修大堂兩廊建軍器庫於堂左常盈  
倉於堂右重建門外東西榜廊

皇清順治二年六月十三日前後堂東西庫左右廊  
廡罹兵燹乙酉至乙未歷四令聽政茅茨下十  
二年知縣吳明相始建前堂及二庫康熙六年  
知縣金夢蛟構後堂川堂六曹廊舍十一年知  
縣吳存仁改築對署大垣高廣較舊差倍又葺  
內樓增建廂房

縣丞署 主簿署 俱在縣署東

典史署 在縣署西

水利縣丞署 久裁廨遂廢

羈候鋪 在陳麻皮巷明嘉靖知縣蘇祐建  
木瀆巡檢司 在縣西二十七里木瀆鎮明洪  
武二年置

皇清因之舊管閭胥盤三門外至木瀆三鎮有橫金  
巡檢司萬曆三年裁革併歸木瀆司管轄  
舟頭巡檢司 在縣西南八十五里洞庭西山  
縹緲峯宋置於湖州長興縣呂山界元祐八年  
都省江淮兩浙轉運提刑司奏移今處  
皇清因之分管舟頭司轄東山

巡撫都察院 在南宮坊卽鶴山書院明宣德  
七年知府况鍾建正統十年知府朱勝勛來鶴  
樓於後堂北成化十六年巡撫尚書王恕題大  
堂爲願治嘉靖四年巡撫都御史陳鳳梧樹保  
障東南澄清畿甸二坊於東西關後圃建思賢  
亭後巡撫多駐節句容此稱行臺遇海汛則臨  
焉萬曆間始爲治署二十九年巡撫都御史曹  
時聘於轅門外增設官吏精勇牙兵等房三十  
四年巡撫都御史周孔教更闢東址增建書堂

及吏隱軒鑿池栽竹極幽邃之勝天啓三年巡撫都御史周起元於轅門外東西建榜廊添設坐營中軍廳健快等房

布政司 在昇平橋西北係明王文恪三槐堂舊第

皇清順治十八年巡撫都御史朱國治以江蘇五府錢糧較他郡最重駐省會不便徵解題設江蘇布政司建署蘇州崑轄江寧蘇松常鎮五府錢糧蘇州向無司署布政使孫代暫駐蘇松道署

康熙元年知府武弘祖申請巡撫都御史韓世琦檄行江蘇五府守令捐俸購王氏宅而更新之大門東向儀門南向大堂卽文恪廳事改名正己庫在堂側東銀庫西錢庫竝曰永盈通吏總科收科其房在東東房承發在堂後餘在儀門外五年鳳陽巡撫裁革淮安揚州徐州歸併江蘇錢糧益重文案益煩布政司佟彭年捐俸改造大門轅門班房吏舍建三尊堂於沿河以爲賓館九年布政司慕天顏以儀門右逼於民

舍缺其一隅遂捐俸購民居擴其基建之

蘇常道 在明澤橋東即明水利分司舊為館

驛馬廐明成化八年知府丘壽建為提督水利

憲臣治所後改為按察分司東西二坊曰激揚

振肅凡兵備督糧水利諸憲使悉駐節焉

皇清鼎興初年官制一仍明舊蘇松二府設立兵巡

道駐太倉州入郡則駐茲署康熙二年奉

旨歸併道缺蘇松常三府改為分守道駐劄蘇州遂

為治署二十二年分守道缺復奉裁以蘇松道

事歸併督糧道自常熟入郡治事署中

蘇州衛 在飲馬橋西即宋府倉基元淮南行

中書省明興平張士誠於吳元年建左中二千

戶所在正堂東右前二千戶所在正堂西鎮撫

廳在中門西經歷司在堂右旗纛廟在中門東

軍器局在衛治內西後傾廢止存旗纛廟守備

千總等官俱僦民房以居迄今未建衛守備等

官係經制故衛所不列廢署

遊擊府 在傅郎中巷即鹽政府館係舊西禪

寺明萬曆十七年巡撫都御史周維題准設坐營都司權爲公署至三十年巡撫都御史曹時聘題改遊擊將軍遂相沿爲遊擊府

接官亭 在閭門外普安橋西

和豐倉 在胥門內百花洲東岸周圍一百五十畝南西闢三門中爲廳事左右列廩舍三十六連共四百三十二間明宣德間巡撫侍郎周忱建弘治十六年災知縣孫磐重建崇禎十三年門堂並圯知縣牛若麟鼎新

皇清順治年間添造官廩十間以爲官收兌之所民甚便之

常平倉 卽濟農倉舊址明崇禎九年巡撫都御史張國維勅積常平米以備凶荒平糶飼饑皇清康熙十一年知縣吳存仁修葺

泔溪倉 按長洲縣志在錢廠西屬長洲縣貯糧

長洲縣治 宋時在府治東北三里元徙譙樓內府治左至正末張士誠遷於本縣學西卽宋



舊基也明移置於府治東南隅一里烏鵲橋西相傳爲義役倉故址建自洪武元年卑狹不稱二年始廣廳事及兩廡衙舍而堂宇猶逼隘歲久且敝正統元年丞王本正攝縣事白於郡守况鍾申巡撫請於朝悉撤其舊而改作之弘治元年知縣邢纓開地築室并廣亭舍以居鄉民之應辦者而門墉倉廩猶未備也嘉靖二年知縣郭波重建門屏三十三年海警知縣莫抑卽贊政左廳改爲甲仗庫三十八年衙署悉燬於

火知縣柳東伯始建層樓輪奐之美更倍於昔四十四年知縣周良臣各仍故基復加葺治剏徵收房宇對列舍號規模大備萬曆三年知縣陳用賓建公餘清署於堂後陳用賓自記後堂廡悉燬僅存私署嗣後縣令旋至旋易未遑修復

皇清康熙二十四年知縣徐弘炯重建大堂顏曰尊美及吏皂等房經營改剏煥然聿新總計千餘工三月告成獄房在縣西南

縣丞署 在夾道東管糧丞無署借賃民居

主簿署 在縣署西

典史署 在縣署東南

織造總局

皇清專遣部堂督理織造順治三年督造侍郎陳有明與巡撫王國寶巡按盧傳知府陳服遠議以明嘉定伯住房改造

織染局 至正末在平橋南卽宋提刑司改造明洪武元年始建於天心橋東洪熙初內侍阮

禮羅玉輩先後更新萬曆中內官孫隆管理織染益加整麗因隆生事撤回停工歲久頽珊

皇清復行織造督理侍郎陳有明重修葺繼任侍郎周天成復于所駐府後置民房蓋造機房爲南局改織染局爲北局復置洞橋內民房更設機張爲南新局復置顧家橋西民居添設機張爲北新局

戶部分司 在二都六圖泔溪鎮元爲抽分竹木場明宣德四年始設鈔關以權船料景泰初

尚書金濂建乃命戶部專收之尋委府佐兼攝  
因革不一弘治六年始定戶部主事一員遂爲  
例

皇清順治二三年仍舊制繼差滿漢部屬各一員康  
熙六年部議以司道及府佐兼攝後復如前制  
差滿漢臣督課今則不拘滿漢各部差一員  
矣署前有高垣題曰水鑑左右有鐘鼓樓大門  
建層樓額曰明遠署內大堂爲冰玉堂閱帆堂  
敬士軒自公樓振統軒高士軒聿修堂督關主

事先後建委官廳在八都二十圖便民橋右

駐防都統公館 在府學龍門東康熙十三年

八月巡撫都御史馬祐以楚閩告警蘇郡瀕海

題請駐防官兵分駐遂建公館於舊南禪寺南并

造小公館十二處營房一千七百五十間於南

星橋東西等處今兵丁移駐不常

城守營遊擊府 在臥龍街東穿心街購民房

爲之

城守營守備府 在喬司空巷購民房爲之

陳墓巡檢司 在本鎮管葑婁二門外諸村鎮  
吳塔巡檢司 舊在吳塔今移蠡口管齊閘二  
門外諸村鎮舊有澚墅巡檢司以建鈔關廢塘  
浦巡檢司明正德間設隆慶間廢并入吳塔陳  
墓二司分管

青丘倉 在新橋巷東收貯十九等都糧米

預備倉 在流真巷東舊名濟農收貯十一等  
都糧米

席墟荻溪二倉 在胡廂使橋巷東席墟倉收

貯上二十等都糧米荻溪倉收貯東十三等都  
糧米

蘇巷倉 在中營基巷東收貯上十七等都糧  
米已上五倉總名東倉

澚溪倉 在閘門內錢廠西收貯一都至九都  
糧米一名西倉舊有四倉在葑門外王墓村曰  
東倉在閘門外九都曰西倉在葑門外二十五  
都曰南倉在婁門外二十四都曰北倉明宣德  
間移建於婁門內凡五倉曰東倉別建於閘門

內曰西倉皆巡撫周忱及知府况鍾建

皇清因之後行官收官兌法極爲便民而六倉仍舊  
外州縣

崑山縣治 在縣之中宋紹興二十六年知縣  
程沂重建舊傳其地爲孟尚書宅故今猶祀孟  
尚書於寅賓館元元貞二年陞縣爲州延祐元  
年行省參政高昉奏遷州治於太倉至正間海  
寇連次犯境十七年知州費復初復移崑山舊  
治吳元年就設州治明洪武二年復改爲縣知

縣王公瑾始增廣之

皇清順治二年燬於兵縣官僦民房而居康熙六年  
知縣王仲槐始事興復魏熙續行增建譙樓儀  
門甬道中爲戒石亭正堂川堂後堂正堂東爲  
架閣庫及內衙康熙十年知縣董正位重建尊  
賢堂卽寅賓館在儀門東南東廊後建吏員房  
舍五十間獄房在儀門外西偏羈候鋪在獄房  
西丞尉仍僦民房以居

督學試院 在縣治東南薦嚴寺左卽范石湖

書院明宣德間知縣羅末年爲巡撫侍郎周忱  
改建名巡撫行臺後爲督學校士之署遂稱爲  
書院

皇清順治初署廢十五年督學僉事張能鱗重建

巴城巡檢司 在高墟村

石浦巡檢司 在本鎮

玉峯倉 在縣治南其地舊爲濟農倉爲府館  
明初有黃涇至和金潼等倉宣德間巡撫侍郎  
周忱以各倉四散不便徵收總移西門外舊玉

峯倉內嘉靖三十三年倭寇燒劫知縣祝乾壽  
移置今所四十二年復罹火災知縣彭富重建  
倉二百二十餘間倉有官廳二所各有正廳後  
寢

水次倉 在西門外舊名玉峯倉明宣德間巡  
撫周忱將各倉并入此處共倉六百五間弘治  
八年知縣張鼎重建三十間九年本府同知李  
復貞續建五十間設公館二所嘉靖倭亂之後  
移倉入城其地爲演武場今東南傍河二處仍

設官倉名水次以別之

常熟縣治 宋治平間建明弘治中災知縣祝獻重建前臨琴河後枕虞嶺中爲治廳榜曰親民後堂曰四知左右翼以兩廡左爲勘合吏戶禮房右爲承發兵刑工房前爲儀門門內爲戒石亭後堂之後爲縣衙又其外爲吏舍儀門之左爲土地祠祠門額曰寅賓館右爲獄門之外爲旌善申明亭左右有坊曰綏來曰動和主簿署 在縣署之左

典史署 在縣署之右

督糧道 在常熟縣察院西舊公館地明弘治九年建顏曰察院與儒學書院地址相連

皇清康熙三年門外建坊曰籌漕四郡左有更樓右有站舍宿舍

海防廳 舊在府治內東偏

皇清以防海移駐常邑康熙四年海防同知魯超卽入官屋改爲公署在常熟縣治北三百步

城守署 在常熟縣治之西山椒卽舊商相巫

咸祠

駐節亭 在翌京門外臨漕河

許浦巡檢司 在常熟縣東北七十里明洪武

元年建

白茆巡檢司 在白茆港口明洪武二年建

黃泗鋪巡檢司 在常熟本鎮以上三司官廨

久已傾圮俱儼本汛寺觀居住

濟農倉 在常熟縣東北東臨漕渠宋治平間

建明宣德間巡撫周忱知府况鍾建倉百間以

貯平糴榜曰濟農弘治中增建廳事及廩六十  
間

皇清積穀賑濟并官解白糧在倉春辦

常平義倉 在常邑濟農倉之右宋知府王琪

奏置宋制每納正苗米一石帶義倉米一斗以

備凶荒若常平之制蓋取沒官田地所入濟給

孤貧今常平義倉合而為一

南倉 舊在常邑翌京門外明宣德間巡撫侍

郎周忱建嘉靖中島寇燼毀三十九年知縣黃



嘉賓移建於西城內倉基三十畝零門樓顏曰  
廣積中爲廳事廡房二百四十間分四場

皇清康熙七年知縣于宗堯修葺一新

東倉 在常熟縣治之北明嘉靖三十九年建

門樓顏曰永豐中爲廳事廡房三百六十間

吳江縣治 宋因五代錢氏之舊乾道元年知

縣趙伯虛建勅書樓於門上以奉詔勅嘉定元

年知縣羅勳建仰高亭於公堂之右奉三高畫

像舊有觀政亭環翠亭並在後圃丞以下皆別

有廳在外元因之元貞二年升縣爲州治仍舊

明洪武二年改州爲縣仍其公廡知縣孔克中

徙居民七十餘家開拓焉歷任增葺

皇清順治初燬縣令以下皆賃民房以聽事七年知

縣唐增卽觀我堂址建公堂視事并建私衙以

爲居室又修儀門及西監十二年知縣吳就恆

建柵門於前牧愛堂址設東房於堂左十四年

知縣雷珽建芸松亭於公署內又建吏廡於獬

豸亭之兩旁設架閣庫於堂右康熙四年知縣

劉定國重建譙樓五年建旌善申明二亭於門外甬道左右植梧桐柏樹各四又建公餘少憩堂於內衙并布昭嘉績石亭於大門外東其西爲震澤底定亭漸復舊制

縣丞署 舊在縣署西南

主簿署 舊在縣署西

典史署 舊在縣署東今俱焚燬皆賃民舍爲公署無常處

簡村巡檢司 在吳江縣充浦村

震澤巡檢司 平望巡檢司

同里巡檢司 俱在本鎮

汾河巡檢司 在吳江縣蘆墟村

平望驛 在本鎮順治六年移署垂虹亭

平望營守備衙門 在吳江縣東門內順治十一年守備鄭國梁卽民房改爲衙署

總收倉 又名外場倉在吳江縣北門外三里橋西廣一百五十畝有奇中爲官廳左爲千總廳又左爲倉土地祠右爲糧官廳廩屋三百八

十六間廡前有池以防火災

嘉定縣治 宋嘉定十一年六月知縣高衍孫

即軍馬司酒坊地改建嘉熙四年知縣鄭霖建

譙樓淳祐九年知縣林應炎於縣前建宣詔頌

春二亭元元貞二年陞為州至大二年知州高

源改建州治明洪武二年復為縣治知縣辰昭

即宣詔頌春遺址改建旌善申明二亭嘉靖十

六年知縣李資坤於儀門外建東西兩廊貯櫃

收銀三十五年知縣楊日建土地祠於儀門外

萬曆二十九年知縣韓浚建寅賓館於大門內

皇清順治三年盜劫獄焚燒堂廳府庫十年知縣查

逢盛建後堂康熙六年知縣余敏重建大堂川

堂及兩掖六房承發鋪長司堂之東為鑾駕庫

西為架閣庫又西為軍器火藥庫文書庫兵房

之北西折而南為獄由是舊制悉復即旌善申

明二亭改建長廊為上司告示所內宅堂樓臺

亭寢皆因舊制增建調鶴軒十二年知縣趙昕

於大堂後架閣建有儀軒為士子論文之所

縣丞署 在儀門外左大門內右折而北

主簿署 在大門內右折而北

典史署 在大門內左

江灣巡檢司 在本鎮

月浦巡檢司 在本鎮一署並圮今寓城中舊

尚有中槎吳塘二司並革

濟農倉 在嘉定縣五圖內明洪武三十二年

知縣樊鎮卽守禦千戶所改建

皇清順治九年重葺康熙十三年知縣趙昕增修舊

有萬積豐寧利益通津四倉在北門外今廢

太倉州治 在城之北隅明弘治十年巡撫都

御史朱瑄檄蘇州府同知萬祥崑山縣知縣張

稟常熟縣知縣楊子器嘉定縣知縣孫璽度地

城中將教場基砌建知府曹鳳時爲經營規制

未幾知州李端抵任遂次第落成譙樓儀門正

堂儀門外東爲土地祠卽寅賓館又東爲吏目

廳西會問廳甬道中爲戒石亭堂東爲鑾駕庫

堂西爲廣積庫堂後爲川堂後堂後堂東爲司

庫房東西廊吏房二十二間州宅在堂後正中  
 鎮洋山在州治後知州李端築土岡植檜百數  
 高峙三峰累以湖石山下醵池前有三亭曰迎  
 仙曰來仙曰遊仙山麓為洞曰集仙其上有亭  
 曰醒翁今並廢西下有亭曰吏隱知州黃廷宣  
 建山名鎮洋取雄鎮東海之義

同知署 在州署東

判官署 在同知署南

吏目署 在州署西南

甘草巡檢司 在本鎮舊有茜涇劉家港蕩涇

三司後裁

太倉鎮海二衛 在太倉州大西門內

便民倉 舊在南關外即海運倉基明弘治十  
 一年大西門外興福寺災知州李端即其地改  
 建今倉嘉靖十八年災知州萬敏重建官廳東  
 西廂房及後堂共十間中後廢十二間東西廡  
 共八十間

崇明縣治 明萬曆十三年遷長沙城知縣李

大經創建大門儀門正堂甬道中為戒石亭堂  
東為庫房東廊為吏戶禮并承發廨西廊為兵  
刑工廨并架閣庫堂後為川堂川堂後為後堂  
額曰思補東書房及內衙并荆建大門外建申  
明旌善二亭

縣丞署 在縣署左題曰哦松深處

主簿署 在縣署右題曰琴堂分署

典史署 在縣署東南

皇清順治九年知縣劉緯增建兩廊十年知縣陳慎

增建內書房康熙元年知縣龔榜建庫窖一座  
藏預儲各餉二年又建西書房五年知縣趙民  
帥增建外廚房康熙四年知縣趙民帥建丞署  
於縣西北主簿衙舊址丞路允斌躬自董建十  
一年災止存廳堂順治十二年知縣陳慎建典  
史衙於大門內土地祠東典史董世昌躬自董  
建

總鎮府 順治十三年蘇鎮王燦奪職命寧國

鎮梁化鳳攝署駐南關外李茂實別業是秋化

鳳移鎮在崇移署朝陽門內黃元俊宅後給價  
改建十五年巡撫張中元捐贖助修達淳風巷  
外有照池東西轅門大門儀門大堂後堂後樓  
後廚房後包堂東花廳書房巍煥一新康熙元  
年總鎮張大治增建東轅門外協將都守千總  
把總中軍各廳西轅門外傳號將材二廳軍牢  
夜役二班房並建射圃門射圃門北建驗馬廳  
大馬廠土城內五門各建駐馬廳又建軍儲房  
一所

西沙巡檢司 在本沙

平洋沙巡檢司 在本沙

三沙巡檢司 在本沙

欽定古今圖書集成方輿彙編職方典

第六百七十四卷目錄

蘇州府部彙考六

蘇州府學校考

蘇州府戶口考



職方典第六百七十四卷

蘇州府部彙考六

蘇州府學校考

書院社學附

通志府志合載

本府

吳縣長洲縣附郭

蘇州府儒學

在府城南宋范仲淹奏建燬於

兵明洪武初知府魏觀闢地新之宣德間知府

况鍾重建明倫堂又建至善毓賢堂於後附以

四齋兩廊後有尊經閣天順間知府姚堂構道

山亭成化間知府賈爽創立遊息所丘霽改作  
先師廟門廡橋池悉備嘉靖十年制增啓聖祠建  
敬一亭隆慶萬曆間先後修葺崇禎六年颶風  
作廟署祠亭喬木牆垣一時傾毀巡按祁彪佳  
巡撫張國維推官倪長珩累年繼修至十四年  
工成

皇清順治十二年巡撫張中元率屬修葺康熙二年  
至五年巡撫韓世琦布政司佟彭年七年巡撫  
馬祐十六年巡撫慕天顏相繼修治二十一年

巡撫余國柱布政司丁思孔蘇松常道祖澤深  
捐貲大興修葺

聖殿宏麗改觀

吳縣儒學 舊在縣治東南宋景祐始立明洪  
武五年知府魏觀重修宣德七年巡撫周忱知  
府况鍾徙建昇平橋東官地弘治十九年知縣  
鄺璠加闢焉嘉靖初知縣楊叔器更新之崇禎  
十四年知縣牛若麟重葺

皇清順治十一年教諭夏鼎倡修康熙六年布政司

修彭年捐助修葺

學道書院 爲吳公言偃立初在府城東北隅  
宋咸淳五六年間知府趙順孫黃鏞相繼改建  
于武狀元坊北普賢子院故址奏以學道爲額  
選言氏與先賢後及民間俊秀教之別建殿曰  
燕居堂曰師友淵源齋四曰正己選賢問禮知  
本以官田贍士又別爲育材莊專充言氏子孫  
費七年知府常懋于堂西建先賢祠祀顏曾思  
孟左次澹臺子羽兩廡列周程以下九賢元初

總統楊璉真伽據爲僧司田悉奪去至元二十  
九年山長祖宗震金德修共買徐季子橋高氏  
園第改剏儒職劉德剛訴復學田不果書院亦  
廢明嘉靖二年知府胡纘宗以景德寺改建書  
院門扁曰東南鄒魯建學孔堂繪言子像於中  
後爲講堂堂後絃歌樓十八年巡按趙繼本修  
至十九年巡按舒汀至始畢工三十年改爲督  
糧道遷書院於共社學

文正書院 在雍熙寺後宋咸淳間知府潛說

友請於朝立專祠祀范文正公元至正丙戌總管吳秉彝奏改爲書院舉其族之嫡嗣主奉祠事明成化十六年巡按劉魁知府劉瑀重修巡鹽戴仁助修至

皇清康熙十二年布政使慕天顏同浙江巡撫范承謨重修本府同知師佐布政使理問張發棟主奉舉人范必英董其事

鶴山書院 在南宮坊內宋參知政事魏了翁之賜第也端平三年理宗親書鶴山書院四字

賜之元至順元年曾孫起卽故居教學奉祠明宣德間改爲巡撫都察院移書院於左

金鄉書院 在西市坊內明嘉靖二年知府胡纘宗因永定廢寺之半建中爲寓公堂奉澹臺滅明主以滅明常東游寓吳葬於其地肖像事之舊封金鄉侯故以名書院又以吳之寓賢宋尹焞魏了翁附焉後爲正大堂旁列號舍俾府縣學子弟肄習其中萬曆初廢崇禎九年巡撫張國維卽舊址旁理刑公署改復書院仍奠滅

明主位後堂祀贈翰林待詔孝介朱陞宣

天池書院 在天池山明都御史毛珵卽佛寺

改建萬曆二十五年元孫通政使毛堪重修

碧山書院 在西城橋北明吏部侍郎徐縉建

共社學 在雍熙寺西橋右明洪武八年詔天

下府州縣每五十家設一社學歲久漸廢正統

十二年知府朱勝乃統建共社學於此成化二

年提學御史陳選修嘉靖末圯廢隆慶六年巡

撫張佳引卽其地改建劉大中祠

普濟社學 在普濟橋西明初蘇州衛奏建以

教官軍子弟成化二年陳選修兼育民間俊秀

隆慶元年知府蔡國熙知縣魏體明重修

麗澤社學 在府西麗澤坊內

崇正社學 在華嚴寺東俱成化二年陳選建

隆慶元年蔡國熙魏體明修

利濟社學 在南濠利濟寺左成化二年陳選

建內有顧野王祠隆慶元年蔡國熙魏體明修

崇禎三年知府史應選重修

義慈社學 在閭門外義慈巷內

盤門社學 在吳門橋下俱陳選建蔡國熙魏

體明修

各鎮社學 竝成化二年陳選檄建嘉靖六年

知縣蘇佑修隆慶二年魏體明再建

范氏義塾 在天平山文正公建以教族中子

弟後增建文正公祠

孔氏義塾 舊名闕里分祠在二十七都塘橋

孔氏子姓肄業其中宋紹興間建以祀

先聖明萬曆四十年裔孫孔貞成修至

皇清康熙二年六十五世孫孔引安重修

長洲縣儒學 初未有學附於府學曰麗澤齋

宋景定三年主學宋楚材請於守陳均即廣化

寺藏室改爲在今府城東北講堂曰禮堂四齋

曰富文貴德廣業博學因企慕范文正公又建

景文堂八年提刑洪起畏拓地闢門南面後毀

元至正三年縣長元童勸前徽州路教授郡人

陸德源勸建之明洪武七年知縣宋敏文張翔

修葺闢學門於廟之右故有

孔子燕居像先賢祠俱廢成化間知府丘霽拓地東南改建焉正德十二年提學御史張鰲山盡以廣化寺地歸學十六年知縣郭波建尊經閣起後土山嘉靖十五年知縣賀府修學立名宦鄉賢祠二十年諸生與教諭蕭文佐議以此地湫隘不稱掄魁白巡按舒汀謀遷之先是十八年詔毀浮圖之非勅建者僉謂城東福寧寺於例應毀至是汀與知府王廷默為規度仲冬猝

舉事廢寺為學宮其制廟左學右諸門皆南向建殿廡堂齋啓聖祠敬一亭尊經閣閣後有土阜建亭其上曰道山亭餘悉如制剏立又有嘉樹館桃李園春宴園小淇園諸勝玉帶河之東為雲川書院西為宰牲所教諭訓導廨分列左右學之外有昇龍橋面陽樹坊表曰萬代宗師東為玉帶橋亦有坊曰會元西為折桂橋亦有坊曰狀元三十二年巡按徐洛修四十三年知府徐節再修隆慶二年知縣周良臣教諭李國

珍建騰蛟起鳳塞門種柏樹二百株六年巡撫  
陳道基修學開內泮池徙學前居民去櫺星門  
前昇龍橋移聖域賢關二坊巡按劉曰睿捐鍰  
助工知府吳善言知縣陳用賓教諭周安叔協  
理興修萬曆十七年巡按李堯民發銀二千兩  
造昇龍橋建後堂濬玉帶河移建敬一亭創聚  
奎樓重建舒公祠移萬代宗師坊築萬仞宮牆  
建土地祠巡撫周紀指畫規制捐鍰助費知府  
石崑玉同知王典知縣陳其志教諭吳良治訓

導周養中助理興修二十五年知縣江盈科捐  
建文星閣於學之東南隅給守閣僧田七畝巡  
撫趙可懷參政彭國華鈔關主事董漢儒助成  
之四十年知縣韓原善重建文星閣至

皇清順治十一年督學石申捐俸修葺未竣尋圯康  
熙二十二年巡撫余國柱暨司道府廳縣各有  
捐助教諭姚文焱訓導王玠率諸生鈕希文鼎  
建兩廡修葺聖殿明倫堂櫺星門王玠捐貲重  
建訓導齋



甫里書院 唐陸魯望先生故第在府城東南  
元元統二年裔孫德源請以己貲改建書院有  
宣聖殿明倫堂大學小學二齋設山長主教事後  
廢

和靖書院 初宋尹肅公焯讀書虎丘西菴題  
齋曰三畏嘉定七年士人黃士毅請於知府陳  
希繪像祀之端平二年胡淳請卽其地為學倉  
司曹幽因奏立書院齋凡四曰三省務本朋來  
時習提舉馬述建君子堂嘉熙四年提舉陳振

孫作藏書堂景定二年陳淳祖建曹幽祠堂咸  
淳初提舉李芾建燕居堂元初為雲巖寺僧所  
據延祐元年始移置長洲縣治東烏鵲橋之北  
郡守童道重建殿廡門堂後廢明嘉靖二年知  
府胡纘宗又以吳縣學生多在湖山往復險阻  
憩寓假賃靡所寧止遂因學後有龍興寺改復  
書院其後吳令汪旦以肅公專祠當在虎丘請  
於巡按何春以後堂三楹置義夫馬瑤木主其  
中

外州縣

崑山縣儒學 初在縣治東即今察院唐之儒廟以兵火廢大曆九年始建學於廟垣之右設博士訓學徒五季廟毀宋雍熙四年知縣邊倣因遺址重建元豐四年壞於風潮元祐初知縣杜采移建縣治西南作廟堂齋廡庖廩凡四十四楹紹興二十八年郡守蔣璫名講堂曰致道知縣陳沂闢垣牆外門乾道改元知縣李結重修淳熙間知縣葉子強周承勳紹熙間知縣李稠

相繼修之慶元五年知縣章萬里又修之改堂曰明倫開禧中建賢守令祠嘉定間知縣巫似修重建大成殿淳祐初知縣徐聞詩修袁璵增建直舍齋凡六曰居仁由義教忠履信致道成德十二年攝令吳堅建尊道貴德二祠咸淳間知縣林桂發又建學廳於東北隅元至元十三年置蒙古字學兵燹之後學漸圯壞典教王夢聲極力修葺二十四年水大浸學田所入不足供用以己貲佐之學宮一新元貞初陞為州學

延祐元年州移太倉知州翟廷玉謀徙學不果  
王安貞至就治所之北建學山長王大年教諭  
杜熙直學陶公甫學賓陶正甫各視其力佐成  
之爲屋五十餘楹至正十七年州復舊知州費  
復初仍建於此明洪武二年改爲縣學額定齋  
二宣德初本府同知張徽移建大門三間於戟  
門外壘石爲基教諭曹昇修戟門縣丞吳仲郢  
建神庫於戟門外西正統初知縣羅永年修兩  
廡景泰元年知縣吳昭改建大成殿二年增建

號房一十五間於學門外東成化間巡按御史  
張淮增修弘治五年知縣楊子器建尊經閣九  
年建啓聖祠嘉靖六年教諭楊華修尊經閣十  
年以主易像稱先師廟十五年知縣楊逢春重  
建教官廨添設號房於東北隆慶六年知縣申  
思科於泮池四圍置石欄石牆萬曆三年思科  
請於巡按邵陞捐贖鍰重修殿堂齋增築殿前  
露臺又立進士舉人歲貢題名三碑於明倫堂  
崇禎十三年知縣葉培恕教諭呂兆龍訓導張

鵬翼周秉緒捐倡興修

皇清順治十五年提學僉事張能麟捐俸倡修康熙

七年教諭吳謐修義門九年八月知縣董正位

教諭吳謐奉

旨擇吉請出砌壁

先聖四配十哲像安設十一年五月督學倡眾捐

修大成殿二十一年教諭張其翰訓導王天祚

募修明倫堂鄉賢祠督學趙崙按臨捐俸邑紳

徐乾學等及衿士王天祚等捐貲倡助大加修

葺

石湖書院

玉峯書院 在馬鞍山南麓衛狀元涇藏修於

此

常熟縣儒學 在縣治東南前臨琴川第一水

宋祥符圖經云縣東五十步有文宣王廟初不

言學淳熙十年知縣曾棨建堂曰進學紹熙五

年知縣葉知幾改名明倫朱文公題扁齋凡九

日崇德時習好謀朋來利仁隆禮育英守卓隆

德未幾又改四齋曰尚志尚德尚賢尚文慶元三年知縣孫應時建吳公子游祠開禧三年知縣葉凱修廟端平初知縣王燾倣郡學制東爲廟徙吳公祠於後建六先生祠西爲學扁堂曰明德凡六齋曰志道據德依仁游藝稽古象賢總百二十楹元陞州學明改縣學洪武八年建先賢祠於子游祠東闢射圃建觀德亭宣德九年知縣郭南修兩廡學門及廚庫正統二年知府况鍾修兩齋六年縣丞陳澄建尊經閣按洪

武以後崇禎以前學制左爲大成殿夾以兩廡神庫廚皆具右爲學門次儀門其前爲泮池池上有橋中爲明倫堂前有二亭有碑列兩齋東曰致道西曰據德齋上下皆學舍又有射圃會饌堂尊經閣閣後有箴碑亭三座學門之外有科第坊一座西有坊名學道後改曰會元東有坊名育俊後改曰解元教諭廡在堂之東訓導廡一在西廡之後一在進賢門右竝有堂三楹名宦鄉賢祠在廟之側蔬圃在學宮之西

皇清順治十二年學道張能鱗修廟教諭卞日鄧督  
工萬仞宮牆舊在沿河水漲衝倒里民孫德基  
市廛在其後康熙四年輸塵地歸學築進始免  
水衝康熙六年十月知縣李璞同教諭沈汝蘭  
修尊經閣布政使佟彭年糧道盧紘捐俸助修  
十八年修葺鼎新

學道書院 在儒學西卽宋舊館驛明宣德中  
周文襄忱嘗止此文襄駐節郡中鶴山書院因  
兩地講學故亦名學道嘉靖中改爲射圃今廢

文學書院 舊在醋庫橋東元至順三年巨室

曹善誠建以祀吳公子游設山長宣慰使王都  
中題扁明萬曆三十四年知縣耿橘重建於縣  
治西北爲虞山書院有五經房弦歌樓堂三楹  
奉吳公像顏曰南方精華天啓中毀崇禎六年  
復裔孫言福言恂如請於知縣楊鼎熙建

虞溪書院 明參政周木以虞仲裔孫題請特  
建弘治間知縣計宗道於阜城門外殿橋西建  
書院祀虞仲顏其堂曰讓德

養賢書院 在明倫堂西

皇清康熙四年教諭沈汝蘭查復學宮旁侵址督糧道參政盧紘海防同知魯超特設講學所知縣李璞捐建

養蒙社學 在慧日寺西舊在縣治西明成化間知縣甘澤建弘治八年知縣王爚改建於此九年知縣楊子器拓大之萬曆甲午知縣張集義增構門廡三十八年知縣楊漣延塾師以教貧民子弟今廢

吳江縣儒學 在縣治東南初有文宣王廟在

縣治西宋大中祥符五年詔天下修廟學縣令

李恭尉請復始作新之慶曆七年縣令李問尉

王庭堅欲重建廟學勸民輸錢數百萬會詔止

不果元祐中知縣程端始竟其事建炎兵燬紹

興間知縣石轍卽東門外開江營之舊基改建

邑人王份捐地廣之卽今址也乾道五年知縣

趙廣開拓其地建明倫堂立四齋曰興賢進德

日新時敏通號舍爲三十楹歲入米幾千斛錢

若干縉以給學費淳熙五年知縣陳翥修嘉定八年知縣孫仁榮重建大成殿十年知縣呂祖憲修淳祐初學生王南建登龍橋於左宋季悉毀於兵元至元都元帥審玉敦武校尉杜福重建明洪武二年仍改縣學齋二曰日新時習三十年汪茂實修重繪塑像正統十三年巡撫侍郎周忱知府朱勝隘之徙左右民居以展宮牆重加修建景泰六年巡按御史趙縉建後堂及學舍共三十六楹知縣賈亮重修

文廟明倫堂天順五年知縣章亮建教諭廡成化初知縣王迪又徙居民以廣廟宇五年提學御史陳選改文昌祠爲鄉賢土地祠爲名宦弘治十年知縣郭郭修正德十年巡按唐鳳儀重建明倫堂增建訓導廡嘉靖二年知縣王紀修十年改稱

先師廟以主易像又建啓聖祠敬一亭三十二年知縣楊芷重修建時化射圃二亭萬曆九年知縣徐元重修大成殿十八年知縣趙夢麟重修



兩廡及明倫堂講堂二十年教諭徐汝宣重修本署二十七年知縣孫大壯及縣丞主簿重修五門并重建穿堂三十九年知縣馮任重修廟學并建泮宮門樓四十二年知縣魏士前重修啓聖祠敬一時化射圃三亭并櫺星門四十八年卽時化亭建尊經閣并建龍門天啓四年知縣晏清重建文昌閣於五門外崇禎二年知縣熊開元教諭薛邦憲移置啓聖祠於廟後改建明倫堂以堂舊材建鄉賢名宦二祠於儀門西

又重修龍門改建東西兩廡併重修五門文昌閣

皇清順治九年知縣唐增教諭陳繩舜重修廟及啓聖祠明倫堂尊經閣並教官廡十一年知縣吳就恆教諭洪天開重修廟並耳門儀門土地祠文昌閣明倫堂十三年知縣雷珽重修泮宮門樓康熙三年本府同知魯超推官龔在升及縣丞教官各捐俸重修明倫堂及儀門五年知縣劉定國捐俸重建萬仞宮牆併修葺名宦鄉賢

二祠

震澤鎮學 宋寶祐元年邑人沈義甫私建中  
為明教堂東為三賢祠元至元中陞為儒學設  
教諭一訓導二

蒙古字學 在長橋東元貞二年建至順二  
年重建

社學 在縣治東北元至正十九年知州趙仁  
以學在城外而生徒多家城中故立州社學以  
便之置齋二曰日新曰時敏後廢明成化五年

提學陳選即其址重建又令各都悉建社學共  
一百二十七所按明制每里建社學一所設教  
讀一人在城十二保每保一人崇禎時革止畱  
一教讀數社生備鄉飲歌童之用今學址僅存  
土阜云

同里社學 明弘治五年知縣金洪奏除稅課  
局改建今廢

古塘義塾 明成化十八年里人姚芳私建置  
田八十畝以給膳貲延老成通儒訓里中子弟

之貧者芳死遂廢

嘉定縣儒學 在縣治南宋嘉定十一年縣始  
勅明年知縣高衍孫建學廟堂曰化成齋四曰  
博文敦行立忠履信紹定二年知縣王選修改  
堂曰明倫齋曰正心博學明德篤行淳祐八年  
知縣林應炎建戟門九年塑像建直廬二十八  
楹十年同知張經鑿泮池景定末知縣常懋欲  
修大成殿會遷去咸淳初史俊卿繼成之元元  
貞二年陞爲州學大德三年教授楊巽繪從祀

諸賢像增置祭器樂器至大三年知州王鐸改  
建明倫堂延祐四年知州任立鑄銅祭器至治  
三年知州周思明修大成樂器天曆二年知州  
趙道泰改建明倫堂至順元年重建大成殿至  
正十二年知州郭良弼易繪像以塑建燕居殿  
樹賓興儒林二坊十六年堂燬十七年攝州事  
大尉府分帥張元良改建明倫堂及齋四曰志  
道據德依仁游藝沿河左岸甃石五十餘丈同  
知鐵穆爾普華張經判官賀搗造龕帳修大成

樂器明洪武二年復爲縣學齋二曰進德修業  
六年知縣文殊奴建櫺星門修大成殿築射圃  
亭二十二年教諭劉愷建神廚庫房宰牲所二  
十三年巡按御史張文富建會饌堂及號樓甃  
泮池築石梁三永樂二十一年邑人陸樞修大  
成殿宣德元年知縣祖述改會饌堂爲春風堂  
重建燕居殿及兩廡三年邑人王嗣昌修燕居  
殿天順四年知縣龍晉大修殿廡建教諭廨增  
築學南土山名曰應奎成化五年知縣洪冕修

明倫堂八年知縣白思明修兩廡十年知縣吳  
哲卽春風堂址建尊經閣十七年知縣劉翔建  
學舍增扞號樓翼以二亭弘治五年知縣王術  
十年知縣孫璽相繼修改正德元年巡撫饒糖  
改築土山購奇峰樹之環疏爲渠樹綽楔榜曰  
應奎建射圃亭於山之陽四年巡按李廷梧增  
築應奎雜植檜柏松桂六年知縣王應鵬補鑄  
銅祭器十一年巡按孫樂于應奎坊左右築石  
欄三十餘丈十二年提學御史張鰲山南京戶

部員外郎胡纘宗撤畱光寺爲練川書院嘉靖九年改大成殿爲

先師殿易像以主又移祀啓聖公於練川書院十六年知縣李資坤大修廟學名燕居殿曰敬一亭又建射圃置射器十九年知縣馬麟改建啓聖祠築輔文山二十年知縣張守直建文昌閣三十二年知縣萬思謙重修移建啓聖祠闢訓導廡四十年知縣樓如山修廟及明倫堂萬曆二年知縣趙舉廉重修十二年知縣朱廷益修

文廟十三年修尊經閣十四年署事通判王典修泮池石欄及應奎諸坊十八年知縣熊密平土山十之七濬爲潭名匯龍十九年教諭王廷舉復民間所侵廟西地闢桃李園二十四年知縣王福徵修廟二十六年教諭姚履素勘土地祠二十七年知縣韓浚增置祭器三十一年大修尊經閣碑亭號樓改建官廡重甃左右岸二十丈濬西南野奴涇入匯龍潭東鑿土山導橫瀝其下跨以木梁修明倫堂東西廡櫺星門改榜

應奎曰仰止教諭王善繼增

文廟前石欄十四丈建省牲所神庫三十二年韓  
浚重建射圃三十七年教諭李之華增修學前  
石級其後知縣陳一元胡士容柴紹勳相繼修  
葺天啓四年知縣卓邁教諭龔道洽更新  
文廟兩廡堂閣坊門改坊曰仰高崇禎八年知縣  
萬任縣丞焦應鶴各捐一年俸佐以贖緩修葺  
十年教諭劉敬修訓導黃虞邑人侯峒曾募修  
尊經閣啓聖祠敬一亭及泮池石欄

皇清順治十二年知縣劉弘德訓導王孫繩復加塗  
墜十四年教諭王彬更建啓聖祠大修尊經閣  
并堂廡康熙元年王彬復新之六年知縣余敏  
捐俸修大成殿重建西廡二十二年知縣聞在  
上設法通學修葺

練川書院 卽舊雷光寺基

明德書院 在學宮左明萬曆三十二年知縣  
韓浚建置田三百畝有奇廩一十一區天啓四  
年奉旨拆毀改爲勸農公署田廩變賣解部崇

禎元年復改書院今廢

四門小學 在登瀛橋北明成化五年知縣洪

冕建嘉靖十六年知縣李資坤置田八十畝廩

七十舍萬曆九年知縣趙舉廉改為理刑公署

租仍輸之學宮

新溪小學 在徐家行鎮置田二十五畝廩三

舍

羅陽小學 在羅店鎮置田七十六畝

月浦小學 在月浦鎮置田一十七畝廩一十

六舍

沙溪小學 在楊家行鎮置田一十七畝

清浦小學 在高橋鎮置田五十五畝

外岡小學 在外岡鎮後毀于兵火里人錢瑜

重建于雨字圩

葛隆小學 在葛隆鎮置田二十三畝

黃溪小學 在黃渡鎮置田三十四畝

安亭小學 在安亭鎮置田三十二畝

楊溪小學 在廣福鎮置田三十二畝

儼溪小學 在紀王廟鎮置廩十一舍

槎溪小學 在南翔鎮置廩三十三舍

真如小學 在真如鎮置田四十畝廩七舍

東陽小學 在大場鎮置田六十三畝

曲江小學 在江灣鎮置廩三十三舍

婁溪小學 在婁塘鎮置田七十六畝以上小

學俱明嘉靖十五年知縣李資坤即寺院菴堂

神廟改建其田廩即在學田學廩數內今俱坍

廢租銀充餉

東陽義塾 在大場鎮元延祐二年里人沈文

輝建置田千餘畝

蒼林義塾 在縣治西元至治間邑人林疇建

錢氏義塾 在縣治後明景泰七年邑人河間

知府錢鉉建

東海義塾 在徐家行鎮明成化九年邑人徐

冕建置田六十畝以上諸塾今俱廢

吳淞義塾 在吳淞千戶所南明正統十四年

千戶莊安奏建天順中千戶張全修嘉靖二十



年提學楊宜以義塾生併入學塾遂廢三十年  
巡按尚維持重建萬曆十九年提學柯維祈重  
修今廢

太倉州儒學 在鎮民橋東元延祐中崑山州  
學在今州治西州尋徙馬鞍山學遂廢明正統  
元年里人查用純請建學太倉城教兩衛子弟  
會兵部尚書徐晞上言天下衛所宜立學倣郡  
縣制於是巡撫侍郎周忱卽故水軍都萬戶府  
第立衛學以其堂宇爲明倫及後堂新作櫺星

戟門大成殿兩廡并祭器之屬景泰三年巡撫  
侍郎李敏增建神廚神庫宰牲房及學舍二十  
五楹天順四年訓導徐壁建鄉賢祠於戟門右  
成化六年巡撫都御史滕昭增建學舍十年巡  
撫畢亨重建明倫堂十六年巡按御史陳鼎增  
穿堂二間後堂五間名嘉會堂弘治十年始立  
太倉州卽太倉鎮海衛學爲太倉州學舊制唯  
二齋曰忠義曰孝敬至是知州李端增設仁惠  
齋十七年知州翟敬建射圃於學宮東又置神

器庫神廚各二間知府林世遠置學倉正德元年巡按曾大有增建學舍二十八間立育賢宣教二坊於前衢三年學正梁億建東西書室及內屋十年知州黃廷瑄甃泮池石岸置闌嘉靖四年知州劉世龍以名宦鄉賢祠在戟門左右規制迫隘乃附名宦於文昌道院附鄉賢於靈應道院十四年知州陳璜增飾兩廡前楹建尊經閣啓聖祠敬一五箴亭又鑿池取石闌環池上積土巒三高二丈許廣百餘步立石其上曰

文筆峯十五年學正朱邦彥遷敬一亭於啓聖祠前重建土地祠於尊經閣十七年知州林學重建學舍三間榜曰育賢二十五年知州周士佐重建啓聖祠二十六年同知州事周鳳岐重建名宦鄉賢祠於啓聖祠西又壘湖石增文筆峯爲五列植松檜萬曆二十年知州丁永祚重濬泮池三十五年署州事本府同知王照重修尊經閣學正蕭思似移建神廚神器庫四十二年知州陳騰鳳重建東齋房天啓六年傾巡鹽

御史田珍重建學正彭永昌訓導張三光助工  
皇清順治十七年知州呂時興重建尊經閣康熙二  
十三年學正劉湘募修

社學 在太倉衛西

楊氏義塾 在沙頭寺南元泰定二年觀察推  
官楊麟伯建

雙鳳社學 明弘治二年常熟知縣楊子器建  
時太倉州未立雙鳳尚隸常熟

崇明縣儒學 屢遷始定今在壕外東南隅初

宋嘉熙間奉使趙崇侯始建書堂元陞爲州學  
泰定四年千戶楊世興捐建大成殿未幾壞於  
潮至正間乃遷崇文坊明洪武二年改爲縣學  
時隸揚州八年縣屬蘇州府學隨之宣德初邑  
人給事彭璟置祭器正統二年典史劉清鑿泮  
池架橋其上五年知縣張潮建明倫堂十一年  
知縣王銳得海上漂桴咸謂天啓斯文之兆增  
修殿堂門廡廚庫倉廩射圃宰牲房博文約禮  
二齋文昌祠教官廨先賢樊子祠學舍二十有

四成化二十年邑人顧謹捐貲建櫺星門以石  
嘉靖二十九年築平陽沙土城三十年兵備熊  
桴改遷儒學於東街知縣紀元凱范性相繼營  
建悉如前制又建啓聖宮敬一亭及名宦鄉賢  
祠自此學宮在縣治之左文運不振者幾二十  
年萬曆六年知縣何懋官改遷於東南小教場  
規制大倍昔時十六年築長沙磚城改卜於縣  
治東南知縣李大經甃砌泮池架橋其上曰飛  
虹知縣張世臣築萬仞宮牆修東西二廡及博

文齋又捐俸葺尊經閣知縣袁仲錫重修騰蛟  
起鳳興賢仰聖二坊外有奮龍飛鳳二橋在泮  
池左右餘悉如前制天啓二年知縣唐世涵又  
遷於壕外東南隅規制如舊崇禎十二年諸生  
顧士杰議建文星閣十七年毀

皇清順治十一年櫺星門及圍牆二廡壞於風潮十  
五年知縣陳慎訓導左國楨捐俸修葺又以學  
塗撥給各生納銀佐費康熙三年櫺星門圯於  
颶風總鎮張大治知縣龔榜諸生陳日等捐修

西沙書院 明正統九年知縣張潮建

天賜書堂 宋淳祐甲辰通判楊瑾建邑遷今

廢

三沙書堂 元至正二十年同知張翮建

鵬博社學 係邑人建

鷓化社學 在東郭外二社知縣朱撥田四萬

步紳衿捐田八千步以充館穀

蘇州府戶口考

府志

府總

順治初年戶六十一萬五十四口一百三十七

萬八千三百八十一

康熙十三年戶六十三萬四千二百五十五口

一百四十三萬二百四十三

順治初年原額人丁五十三萬八千八百八十

八丁

順治十八年人丁五十四萬七千九百六十六

丁

內原增八千九百九丁續增一百七十一丁

康熙十三年人丁五十五萬一千八百一十四

丁

內康熙五年審增人丁三千八百四十八丁

吳縣

順治初年原額戶一十萬九百六十九口六萬

五千六百一十

康熙十三年戶一十萬九百六十九口六萬五

千六百一十

順治初年編定人丁六萬三千八百三十二丁

康熙十三年人丁六萬五千七百一十二丁

內順治十四年審增九百八十四丁康熙五年

審增八百九十六丁

長洲縣

順治初年原額戶一十一萬五千七百八十七

口二十九萬四千一百一十六

康熙十三年戶一十一萬五千七百八十七口

二十九萬四千一百一十六

順治初年編定人丁一十萬五百七十二丁

康熙十三年人丁一十萬二千二百四十一丁

內順治十四年審增九百四丁康熙五年審增

七百五十六丁

崑山縣

順治初年原額戶八萬一千四十三口一十三

萬二千八百二十八

康熙十三年戶八萬一千四十三口一十三萬

二千八百二十八

順治十四年編定人丁五萬一千三百六十五

丁

康熙十三年人丁五萬一千四百六十七丁

內順治十四年審增一百二丁

常熟縣

順治初年原額戶七萬三千六百四十四口三

十八萬三千九百五十

康熙十三年戶七萬三千六百四十四口三十

八萬三千九百五十

順治十四年編定人丁一十萬一千五十二丁  
康熙十三年人丁一十萬一千四百八十六丁  
內康熙五年審增四百三十五丁

吳江縣

順治三年戶八萬二千八百九十一口二十一  
萬一百二十九

十七年戶八萬二千六百七十三口二十一萬  
二十九

康熙十三年戶八萬二千六百七十三口二十  
一萬二十九

順治初年編定人丁八萬四千七百四丁  
康熙十三年人丁一十萬一百四十一丁  
內順治十四年審增一千五百六十七丁康熙  
五年審增九百四十七丁

嘉定縣

順治初年原額戶四萬四千一百六十八口一  
十一萬八千三百七十



康熙十三年戶四萬四千一百六十八口一十一萬八千三百七十

順治十四年編定人丁七萬三千三百四十三丁

康熙十三年人丁七萬三千七百七十七丁

內順治十四年審增一百七十一丁康熙五年審增九十二丁

太倉州

順治二年戶三萬九千八百五十二口一十七

萬三千四百三十

十二年戶三萬九千九百六十八口二十萬一

千一百三十三

康熙三年戶四萬一百一十四口二十一萬五千二百四十

十三年戶四萬二百四十一口二十一萬五千二百四十

順治初年編定人丁三萬四千七百五十三丁

康熙十三年人丁四萬三千六百六十六丁

內順治十四年審增五千三百五十丁康熙五  
年審增一百三十八丁

崇明縣

順治四年戶七萬三千

十五年戶二萬五千一百

康熙七年戶九萬六千

十三年戶九萬六千

順治十一年編定人丁二萬四千二百六十八  
丁

康熙十二年人丁二萬四千八百四十三丁

內康熙五年審增五百七十五丁

內東州... 縣... 人... 四十三

